

61 ingurinn, með athugasemdum endurskoðenda, skal síðan lagður fyrir aðalfund til 30. marz úrskurðar.

36. gr.

Verði ágreiningur milli endurskoðenda um einhver þau atriði, er tilhögun á reikningsfærslu sparisjóðsins eða bókfærslu snertir, og þeir koma sér eigi saman, skulu endurskoðendur leggja málið fyrir sparisjóðseftirlitið til úrskurðar.

Eins skal farið að, ef endurskoðendur komast að raun um, að rekstur sjóðsins sé ekki að öllu leyti lögmætur og í fullu samræmi við lög nr. 69 27. júní 1941, um sparisjóði, svo og reglugerð um sparisjóði frá 15. febrúar 1942, og önnur gildandi fyrirsmæli, og stjórn sjóðsins bætir eigi tafarlaust úr því, sem ábótavant er.

37. gr.

Aðalfundur ákveður þóknun handa endurskoðendum fyrir starf þeirra.

Samþykktir þessar staðfestast hér með.

Viðskiptamálaráðuneytið, 30. marz 1943.

Björn Ólafsson.

Torfi Jóhannsson.

62

30. marz

SAMÞYKKTIR

fyrir Sparisjóð Glæsibæjarhrepps í Eyjafjarðarsýslu.

1. gr.

Sjóðurinn heitir Sparisjóður Glæsibæjarhrepps. Heimili hans og varnarþing er í Glæsibæjarhreppi.

2. gr.

Til tryggingar því, að geymslufé innlagsmanna glatist ekki og að sjóðurinn standi í skilum, skal sveitarfélagið sem stofnandi hans ábyrgjast innstæðuna og skal hreppsnefndin, fyrir hönd sveitarfélagsins, skrifa undir skuldbindingu þar að lútandi í gerðabók hreppsins. Ábyrgðin er óuppsegjanleg.

3. gr.

Á almennum sveitarfundi, sem jafnframt er aðalfundur sparisjóðsins og haldinn skal fyrir lok marzmánaðar ár hvert, kjósa atkvæðisbærir hreppsþúar 3 menn í stjórn sjóðsins til fjöggra ára í senn. Stjórnarnefndarmenn má endurkjósa, en hafi þeir setið í stjórn 4 ár samfleytt er þeim ekki skylt að taka við kosningu fyrr en að 4 árum liðnum. Stjórnin kys formann úr sínum flokki. Deyi stjórnarnefndarmaður, flytji burt úr héraðinu eða verði á annan hátt óhæfur til þess að gegna stjórnarstörfum, skal hreppsnefndin skipa mann til að gegna störfum hans þar til aðalfundur sjóðsins kemur saman. Ekki má stjórn sjóðsins reka eigin lánastarfsemi eða aðra atvinnu, sem komið gæti í bága við hagsmunum sjóðsins. Stjórnin ræður starfsmenn og hefur umsjón með öllum framkvæmdum sjóðsins.

Birta skal í blaði því, sem flytur stjórnarvaldaauglýsingar, hverjir séu stjórnendur og starfsmenn og hverjir geti undirritað kvittanir og yfirlýsingar, svo skuld-

bindandi sé fyrir sjóðinn, beri einn fyrir alla og allir fyrir einn ábyrgð á því að ekkert af fé sjóðsins glatist fyrir hirðuleysi. Tapist eitthvað af fé sjóðsins fyrir handvömm eða óráðvendni stjórnar, starfsmanna eða endurskoðenda, skal hlutaðeigendum skylt að bæta skaðann og sæti þeir auk þess hegningu eins og lög standa til um sýslunarmenn hins opinbera. 62

30. marz

4. gr.

Stjórnendur sjóðsins og starfsmenn mega ekki sjálfir taka lán úr sjóðnum né ábyrgjast lán úr honum fyrir aðra.

5. gr.

Tilkynna skal stjórnarráðinu tafarlaust hverjir kosnir eru í stjórn sjóðsins.

6. gr.

Við sparisjóðinn skulu vera að minnsta kosti tveir starfsmenn: féhirðir og bókarari. Það skal jafnan vera aðalreglan, að eigi má greiða neina upphæð úr sjóðnum nema tveir úr stjórn hans eða starfsmenn séu viðstaddir og rita þeir upphæðina tafarlaust í bækur sparisjóðsins hvor um sig. Féhirðir má veita móttöku greiðslum í sjóðinn án þess að annar starfsmaður sé viðstaddur, en þá skal hann tafarlaust rita greiðsluna inn í bækur sparisjóðsins. Sömu leiðis getur féhirðir greitt fé úr sjóðnum gegn ávisun formanns, þó að aðrir starfsmenn séu ekki viðstaddir.

Heimilt er að stjórn sjóðsins hafi þessi störf með höndum. Aðalfundur ákveður þóknun starfsmanna fyrir eitt ár í senn. Starfsmenn skulu ráðnir til eigi skemmri tíma en eins árs í senn, en heimilt er stjórn sjóðsins að segja þeim upp starfinu fyrirvaralaust, ef henni virðast nægar sakir fyrir hendi. Skal formaður þá leggja málið fyrir sveitarstjórn, sem fellir í því fullnaðarúrskurð.

7. gr.

Stjórn sjóðsins getur krafizt þess að féhirðir setji tryggingu fyrir því fé, sem honum er trúað fyrir. Stjórnarráðið ákveður fjárhæð tryggingar, að fengnum tillögum sparisjóðsstjórnar.

8. gr.

Sérhver greiðsla í sjóðinn og úr honum skal tafarlaust rituð í dagsjóðbók og aðrar þær bækur, sem greiðsla á heima í, og einnig skal rita afborganir af lánnum á hlutaðeigandi skuldabréf.

Allar bækur skulu skýrt og greinilega færðar, og sé einhverri tölu breytt, skal sjást í hverju breytingin var innifalin. Dagsetningar sé greinilega getið við hverja greiðslu.

9. gr.

Stjórnarfundir skulu haldnir að minnsta kosti 4 sinnum á ári og ákveður stjórnin hvernig haga skuli starfrækslu sjóðsins.

10. gr.

Aðalfundur skal halda fyrir lok marzmánaðar ár hvert og boðar sveitarstjórn fundinn með nægum fyrirvara. Þar skulu lagðir fram endurskoðaðir reikningar sjóðsins fyrir næstliðið almanaksár, ásamt athugasemdum endurskoðenda og svörum reikningshaldara og leggur fundurinn úrskurð á þá. Aukafundi boðar sveitarstjórn þegar ástæða er til að dómi sparisjóðsstjórnar eða sveitarstjórn sér þörf á. Þó má eigi gera breytingar á samþykktum nema $\frac{2}{3}$ hlutar fundarmanna séu með breytingunni.

11. gr.

Innlög í sjóðinn skulu ekki vera minni en 1 króna í senn. Sem skirteini fyrir innstæðu fær hver maður viðskiptabók með sama nafni og númeri og í innstæðubók stendur og jafnframt samþykktir sjóðsins, ef þess er óskað. Telji sparisjóðsstjórnin skaðlegt fyrir sjóðinn að taka móti innstæðufé, getur hún neitað því, og einnig getur hún sett hömlur á hve mikið fé má leggja í reikning hvers einstaklings.

Um eignir manna í sjóðnum verður eigi sagt öðrum en þeim, sem lögum samkvæmt geta krafist þess.

12. gr.

Upphæð innlánsvaxta ákveður sjóðstjórnin í samræmi við gildandi lög á hverjum tíma, og skulu vextir reiknaðir að fullu og færðir í bækur sjóðsins í árslok. Í innstæðubókina skulu vextir færðir og lagðir við höfuðstólinn hjá hverjum innstæðueiganda. Vextir reiknast eftir þrítugnættum mánuðum og gjaldast í minnst einum eyri.

Í fyrsta sinn sem viðskiptabók er sýnd eftir hver áramót, skulu vextir færðir í hana og þess þá nákvæmlega gætt, að hún heri saman við innstæðubókina. Finnist skekkjur í vaxtareikningi eftir að fært hefur verið í innstæðubók, má eigi breyta hinum skráðu tölum, en leiðréttá skal skekkjuna þegar í stað.

13. gr.

Nú vill sá, sem fé á í sjóðnum, fá það útborgað, og skal hann þá krefjast þess með tveggja mánaða fyrirvara, nema það sé 100 krónur eða minna. Innstæðufé má aldrei greiða nema viðskiptabókin sé sýnd, og skal þá upphæðin þegar skráð í hana. Starfsmenn sjóðsins skulu gæta þess nákvæmlega, að bera bækur sjóðsins saman við viðskiptabókina í hvert skipti sem innstæða er hreyfð.

Það er eigi á ábyrgð sjóðsins þótt handhafi viðskiptabókar hafi eigi haft löglega heimild frá eiganda hennar til að fá útborgað fé það, er viðskiptabókin hljóðar um eða eitthvað af því.

14. gr.

Innstæðufé og vextir greiðast í gjaldgengri mynt eða seðlum. Greiðist innstæða að fullu skal skila viðskiptabók aftur án endurgjalds. Glatist viðskiptabók verður farið með hana eftir þar um gildandi lögum.

Ef eigandi að innstæðu eða erfingjar hans vitja eigi sjóðsins í 15 ár til þess að taka við vöxtum eða segja upp höfuðstól og eigi heldur innan 5 mánaða eftir áskorun í blaði því, sem flytur stjórnarvaldaauglýsingar, er öll innstæðan ásamt vöxtum orðin eign sparisjóðsins.

15. gr.

Innstæðufé getur sparisjóðurinn sagt lausu með þriggja mánaða fyrirvara. Skal þá gefa út auglýsingu um það í blaði því, sem flytur stjórnarvaldaauglýsingar. Eftir gjalddaga eru engir vextir greiddir af því, sem upp var sagt.

16. gr.

Ársarð af rekstri sparisjóðsins, að kostnaði og vöxtum frádregnum, skal leggja í varasjóð.

Tjón, sem sjóðurinn kann að verða fyrir og ársarður eigi hrekkur til að greiða, skal greiða úr varasjóði, en eigi má greiða þaðan annað, nema varasjóður sé 1% af sparisjóðsinnstæðufénu samanlögðu.

Þegar svo er komið hag varasjóðs getur stjórnarráðið samþykkt samkvæmt tilögum sparisjóðsstjórnar, að verja megi fé úr sjóðnum til almennra þarfa í héraðinu.

17. gr.

62

Varasjóður sparisjóðsins skal vera í tryggum auðseldum verðbréfum eða inneign í banka sem er ríkistryggður. Þó er eigi skylt að koma meira af varasjóði svo fyrir en 5% af samanlögðu innstæðufé sjóðsins eins og það var í árslok næst á undan.

30. marz

Eigi má grípa til þessa fjár nema nauðsyn krefji og skal þá svo fljótt sem verða má koma því í lag aftur.

18. gr.

Eignir sjóðsins skal ávaxta:

- með því að kaupa ríkisskuldabréf eða önnur skuldabréf sem álita má jafn góð;
- með því að lána fé til einstakra manna gegn veði í fasteign og þó aldrei yfir 60% af fasteignamati eða öðru mati sem lögskipaðir matsmenn framkvæma. Sjálf-skuldarábyrgðarlán má því aðeins veita til lengri tíma en eins árs, að þau séu afborgunarlán með árlegri afborgun og sé þeim að fullu lokið innan 10 ára frá lánveitingu;
- með því að kaupa víxla, sem stjórn sjóðsins telur tryggja;
- á hvern annan hátt, er stjórn sjóðsins telur heppilegt.

19. gr.

Sparisjóðurinn áskilur sér forvexti af lánum. Verði vanskil á vöxtum, greiði skuldunautur 1% dráttarvexti um þann tíma, sem dregizt hefur að borga fram yfir gjalddaga.

20. gr.

Aldrei má veita lán úr sjóðnum nema meiri hluti stjórnarinnar sé því samþykkur og ákveði lánshámark.

Sparisjóðurinn skal ætíð eiga $\frac{1}{10}$ hluta af innstæðufénu í ríkistryggðum banka eða auðseljanlegum verðbréfum.

Komi það fyrir að stjórn sjóðsins neyðist til að grípa til þessa fjár, skal það lagfært svo fljótt sem mögulegt er og ætíð skal það gert innan tveggja mánaða. Verðbréfaforða sjóðsins má eigi skerða nema meiri hluti sparisjóðsstjórnar sé því samþykkur. Ef verðbréf, sem sjóðurinn á, hljóða á handhafa, skulu þau skráð sem eign sjóðsins.

21. gr.

Aldrei má sparisjóðurinn taka lán, nema öll stjórn sparisjóðsins sé því samþykk.

Ef sjóðurinn veðsetur verðbréf sín, skal það greinilega skráð í bækur sjóðsins hverjum bréfin séu veðsett og einnig skulu vera í vörzlum sjóðsins fullgild skirteini frá lánveitanda fyrir geymslu veðsins.

22. gr.

Eigi má sparisjóðurinn gefa út handhafaávisanir á sjálfan sig.

23. gr.

Reikningsár sjóðsins er almanaksárið og skulu reikningar endurskoðaðir og lagðir fyrir sveitarfund til samþykktar fyrir lok marzmánaðar ár hvert.

24. gr.

Reikningur sparisjóðsins skal gerður samkvæmt fyrirmynd, sem sparisjóðseftirlitið setur á hverjum tíma.

25. gr.

Semja skal við hver árslok skrá yfir inneign allra innstæðueigenda, ásamt vöxtum. Skal tala viðskiptabóka nákvæmlega sjást á skrá þessari.

62 Einnig skal semja skrá yfir öll lán, sem sjóðurinn á útistandandi, hverju nafni
 30. marz sem nefnast, og skal þar sjást greinilega hvað eru fasteignaveðslán, sjálfskuldar-
 ábyrgðarlán og víxlar. Gjaldþagi allra lána skal sjást og fyrir hvaða tímabil vextir
 eru greiddir, einnig hvernig víxilréttar hefur verið gætt. Á skrá þessum skal geta
 nafns hvers lántakanda og einkennistölu. Loks skal semja skrá yfir allar aðrar eignir
 sjóðsins, svo og yfir skuldir þær, sem hann er í við aðra.

26. gr.

Skylt er sparisjóðnum að hafa reikninga sína jafnan í því formi, er fyrirmyndir
 stjórnarráðsins sýna.

27. gr.

Til að rannsaka reikninga sjóðsins og bókfærslu alla, skal sýslunefnd Eyjafjarð-
 arsýslu kjósa 2 endurskoðendur, með hlutfallskosningu, til eins árs í senn og 2 vara-
 endurskoðendur.

Endurskoðendur má endurkjósa.

Tilkynna skal sparisjóðseftirlitinu hverjir séu kosnir endurskoðendur spari-
 sjóðsins.

28. gr.

Skylt er endurskoðendum að rannsaka sjóðforða sparisjóðsins og verðbréfaeign
 að minnsta kosti missirislega og einnig hafa þeir aðgang að öllum bókom, skjölum
 og öðrum verðmætum sjóðsins hvenær sem þeim þykir nauðsyn til bera.

29. gr.

Endurskoðendum er skylt að gæta þess, að öll bókfærsla sparisjóðsins sé í lagi
 og allra fyrirmæla þar um sé nákvæmlega gætt. Skulu þeir benda á, ef eitthvað er
 athugavert, svo úr verði tafarlaust bætt.

30. gr.

Ársreikning sjóðsins skulu endurskoðendur rannsaka strax eftir að hann er sam-
 inn og rita síðan vottorð á hann um að endurskoðun sé lokið. Reikningurinn með
 athugasemdum endurskoðenda skal síðan lagður fyrir aðalfund til úrskurðar.

31. gr.

Verði ágreiningur milli endurskoðenda um reikningshald sparisjóðsins eða annað
 það, er bókfærslu sjóðsins snertir, sker sparisjóðseftirlitið úr. Eins skal farið að ef
 endurskoðendur komast að raun um, að rekstur sjóðsins sé ekki að öllu leyti lög-
 mætur og í fullu samræmi við lög nr. 69 27. júní 1941, um sparisjóði, svo og reglu-
 gerð um sparisjóði frá 15. febr. 1942 og önnur gildandi fyrirmæli og stjórn sjóðsins
 bætir ekki tafarlaust úr því, sem ábótavant er.

32. gr.

Aðalfundur ákveður þóknun handa endurskoðendum fyrir starf þeirra.

Samþykktir þessar staðfestast hér með.

Viðskiptamálaráðuneytið, 30. marz 1943.

Björn Ólafsson.

Torfi Jóhannsson.